

近代中國史料叢刊續編第二十四輯
沈雲龍主編

雪橋詩話三集

楊鍾義輯

文海出版社
有限公司
印行

中華民國六十四年十一月影印版

近代中國史料叢刊續編 第廿四輯

精裝：十册
定價：新台幣二



主編者：沈雲龍

發行人：李振華

出版者：文海出版社有限公司
臺北縣永和鎮中興街99巷8號

郵政劃撥戶第二七八四號
電話：九二一二六五九號

印刷者：東南印製廠有限公司

台北市西園路294巷15弄17號

經銷者：臺灣全省各大書局

行政院新聞局出版事業登記證局版台業字第〇四四九號

雪橋詩
會三集

湘陰左孝同署



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



南林劉氏
求起齋棊

序

古今詩話皆摘其逸豔舉其芳馨而人與時或不暇論似公穀之說春秋但明一義無以觀其會通獨左氏之傳嬪媯家世旁連交友並其時之升降無所不載聖遺同年之爲此書有似之者談詩而懷國政念舊俗繫族世序交游正得論世知人之旨非徒博掌故已也南豐劉氏之爲通議略與之合然其人自稱通隱而時有惡辭聖遺以先朝翰林守江寧有循聲將駸駸向用矣國變後遁居滬瀆其所交皆遺黎遯叟文行兩美之士不沾屠沽一錢半菽以賣文自活於世俗無所詘境日穀

而氣大昌志彌潔而文以芳故其爲書連犴激清諮於
故實庾言似諷正言似訴質言似箴文言似騷滅沒於
驪黃之中而翔翥於埃壒之外一寫其忠愛悱惻而已
語副其人人副其事以是眇魏晉而晤羲皇可也予交
聖遺三十年自別京師又屢見於漢上不意相從於此
數數過其寓廬述往事發憤懣蓋身蹇而情親神恣而
道合非世俗之所爲交也嘗以名聲五百歲相勛予至
今媿不逮其言而聖遺遠矣爰舉左氏義以相況勿視
爲摘豔攀芳之書則聖遺之情見而古人之情亦無不
可見此說書之皆也

宣統十一年己未二月二十六日長水金蓉鏡

雪橋詩話三集序

二求恕齋

序

止頌居士苦行人也外樸內朗無大過亦無出入人事
年二十五登朝不爲晚讀書半袁豹不爲愚口無臧否
不爲不至慎澄之不清撓之不濁不爲不自容 璽書
褻勉上徹 天聰不爲不遇而汶汶閭閻萬事蹉跎不
能有所表襮於當世嘗習爲文辭矣應奉文字未一當
筆預修典實程課獨勤分校春秋試得士踰額而適爲
同館所不悅光緒中葉異說未起當途有講漢學者居
士好古訓而不以考據名有談道命者居士頗自愛而
不以理學重有尙經世之務者居士亦通知國故而不

能以筆札脣舌譁世取寵從吾所好聊自怡悅而已乞
外十稔守故官官制旣改才謂之士多不次進用居士
錄錄不一登 殿廷備宣室之問家世京輦而五陵裘
馬有僞楚之譏廣場密坐無耳語亦無驚人談名士
或目爲禮俗達官又病其高簡海內不知有此儒行省
不知有此吏江南瓦解以親老弟廢不忍爲東海之蹈
狹廬專室長物蕩然故人有閔其窮者束脩之奉升斗
之貸倚恃爲活至於今茲仕不爭利於朝隱不爭名於
市少愛鈔書不能以院體博輜軒之使壯習唐法不能
以北碑通篆隸之郵文章無宗派吟詠無專攻傭書之

暇閉戶課子惟日鈔撮故事以爲雅談冷暖自知如魚
飲水承幹無似竊喜能知居士之爲人旣爲刻雪橋詩
話初二集矣茲三集成書復爲刊布以見其避地之久
而困學之勤世有王勝之其人或能卒讀一過也已未
仲冬長至日吳興劉承幹

雪橋詩話三集卷第一

求恕齋叢書

遼陽楊鍾羲撰集

吳興劉承幹參校

歸元恭明季逸事野錄序略云昔燕都淪陷毒痛盈宇
于是紫蓋渡江南都擁立史大司馬電發金陵榮陰知
奮喆又之徒從表驚景燥者晞陽而集溼者識陰而歸
若史公得究其志或掩江漢帶閩越猶未裸龍章而悲
離黍也迨公出鎮柄臣負乘章賂鴟鴞集林歸昌鍛翻
宮鄰金虎各以類從珍瑰晝列龜紐夜懸騁暴清流將
肆鉗網皇盾猶存璇宮可辨振彼窮饗高張羅織憾先

帝于九京報桐封之宿釁于是寧南悍卒以保青宮清
君側爲辭瓜步內虛壽春外叛士不晨服軍不夕燧史
公授命闕燼成蕪羣奸之罪其有旣乎予懼後世傳者
之失實也就所憶質言之平言之後世得以考焉其援
遼錄記申元渚叩李成梁邊事曰凡所育健兒恣其所
好衣服飲食子女第宅及呼盧俠邪之類有求必予但
令建功當其窮時則貸之責以刼帳先登計級受賞卽
除前貸故人皆樂爲之用然李氏之費初以養健兒者
繼漸移以結朝貴撫按出都必預有以張之山人墨客
求朝貴書出游者以李氏爲利藪當成梁如松之貴與

之語皆娓娓精當及如柏輩與言皆曠甚如標出鎮不
過以孝廉五六人計偕寓其家上疏舉之熊廷弼至卽
糾如標十大罪下獄擬辟廷弼剛而驕嚴而不當寧遠
一役袁崇煥實爲首功刑浮于罪孫承宗練而才不能
無欲杜松勇而疏劉綎爲勝祖大壽家富而勇非有心
負國滿桂勇而廉然羣帥不服一戰而蹶政府中樞尤
多負國張江陵當國九邊之事如視諸掌葉臺山每邊
臣書疏手自裁答崇禎朝爲中樞者梁廷棟稍可持論
至爲平允惟於吳三桂有恕辭焉我朝與明戰屢得風
霾之異魏默深皇朝武功樂府天助師一章實專詠之

元恭亦言遼事之起每當破城殺將天象必變靡不彰
明較著惟南都已無咎徵豈天以爲無足警哉其言至
痛然明季學士大夫尙有講學之遺風宵小僉王猶知
清議之可畏元恭序言有云墮三百之緒折九萬之絃
徒使草野遺黎荷鉏削棘大澤枉呼望璇樞而撫心歎
雲庭而致命貞臣失氣烈士飲哀璇鏡不輝珠囊猶抗
哀哉蒼天此何人哉代異時移讀之神往拙著必託始
勝國之遺民者意亦在此

萬年少爲僧後以書畫自給李舒章假歸道過淮安年
少以僧服見舒章望之泣下曰李陵之罪上通于天矣

年少嘗自作背立小象顧云美爲題扶要道人四大字
云道人扶要要不可折杖而扶之曰非敢學古人也病
未能耳因自寫照而顧苓書其卷端自題云此壽道人
自寫小照也寄語世間人言視其背其面目不足觀也
又自書小傳云萬壽字內景好讀書善楷隸守咫尺之
志不慕榮利甲申乙酉天下大亂避地潯爲賊所掠不
屈久之還南村貧甚負糞自給操行勤苦或時爲人傭
書彈琴賦詩以自娛樂每念生無益于世沒且與草木
同腐朽將修身卻垢以求出世之道學于沙門名曰慧
壽號明志道人己丑中風痺此身旣廢因思古人有以

惡疾成道者遂自爲贊贊曰旣與之以貧復中之以惡疾是天之厚施之也厚施者不能報則終身隨之吾與天游乎後復題云草間無事灌鋤旣罷輒自弄筆墨戲作此卷定巖見而愛之遂以爲贈定巖曰海內多故山川間之異時出此卷如對道人余笑曰千里相思一夕命駕子從此將滅影人間乎不能則數百里間十日往還耳子何念之深也建安孫陵壽如學于年少此卷旣歸定巖壽如爲作隰西草堂圖于後壬辰年少至吳郡登定巖之堂復爲題識數行案隰西草堂文集自志篇云作人對圖第一居墓圖第二受業圖第三泛湖圖第

四負獲圖第五靜攝圖第六劉湘跋稱自志共有八圖
今止存其六此扶要圖當卽八圖中所缺之一南村蓋
淮市所居雜詠詩所謂築圃南湖西淮流灌其下者也
有赤腳僧者初不知其何許人嘗過婁上踵吳梅村之
門梅村止之宿越一夕議論不合遂辭去癸卯春住無
錫之長春庵雖溽暑嚴寒足不躡芒屨晝則乞食于市
三步一拜口不知誦何經喃喃若有所語邑中好事者
輒食之日不再食每至申黃門家則急趨而過甲辰十
一月忽至齋主家告別眾詰其將何之曰吾無所往行
且永訣耳臨歿作書致吳門李侍御子木自述爲山西

太原人崇禎辛未進士申酉以後遁跡至此屬焚其骸
無歸葬平時養一雞自隨至是謂其雞曰吾死後誰飼
汝盍隨我去越一日雞亦死嘉定趙哲庵克聲赤腳僧
詩廿載拋家作遠行蕭然瓶鉢一身輕江潭憔悴靈均
淚蜀道崎嶇子美情冰雪歲殘思舊臘風波海沸隔西
京泉臺知有英靈在仍挾天雞候曉鳴

唐實君題先師朱昭芑先生遺像云夫子誰儔匹吾猶
及典刑道風傳泗水學海極滄溟博物稱文府熏人是
德馨時逢遷亳社不擬裸周廷偕隱田居室深棲野史
亭鑽研讐往紀寂寞抱遺經萬卷判頭白千秋待汗青

共瞻通德里獨指帝車星朝議思周黨鄉人敬管寧但
看鴻臚弋誰想鳳儀庭案昭芑名明鎬太倉人十七補
諸生爲復社名宿與周子俶齊名稱朱周讀書手自勘
讐朱黃鈎貫有史典史幾史略史風史游史嘉史芸史
異史最史併史鑿史粲史糾十三種會世變絕意仕進
詔舉山林隱逸學官以其名聞以死自守卒于壬辰吳
駿公爲志其墓實君自成童許爲國器實君詩所謂都
講堂前立微言帳後聽曾誇雲際鶴媿老案頭螢者也
至稱其未病時夢上帝使人趣召及病革夢百神來迎
則未免語怪矣

無錫黃漢臣馬大林齊名偕隱樂道安貧爲里閔所矜
式秦留仙里兩翁詩白楊蕭蕭起夕風高墳古碣千山
空人生貴賤等爲死文采吾悲里兩翁兩翁生長梁溪
城死同涕淚生齊名九原不作黃江夏四壁今無馬長
卿長卿早入金閨籍家世才華照東壁白馬青絲白面
郎二十登朝人嘖嘖一自黃巾破故都君家文肅獨捐
軀痛哭君親慘天地芒屨投隱在江湖湖邊花柳芳菲
節花色殷紅杜鵑血只道先生愛看花月落空山心寸
折文賦江南庾子山流傳筆墨在人間酒酣向我一揮
灑半落秋鎧風雨還自說前身老衲子心空妙解無生

理每將止觀教黃翁他時共出青蓮裏黃翁多病苦著
書柴門高柳城東居三更熱火因煨芋五月披裘非釣
魚早謝青衫甘韋布圖書考索從無誤高文金石滿名
山細字巾箱不知數精研梵夾幾春秋學餌丹砂悔白
頭摩詰中年修淨業樂天老去覓丹丘空有文章誇屈
宋草堂萬卷無人誦執紼貧交范式看傳經弟子侯芭
重爾翁吾里真典型一時彫謝愁晨星遞相祖述杜陵
意後生誰者窺門庭我今哭兩翁襆被入東魯欲將西
風淚灑作泰山雨一洗秦皇無字碑不隨文士歸黃土
泰安車中作也

明遼藩裔術桂字天球由輔國將軍依唐藩閩中封寧
靖郡王崎嶇兵閒無成事窮蹙竄海外迨鄭氏歸命無
所之遂自經死臨終書絕命詞云艱辛避海外總爲幾
莖髮于今事畢矣不復采薇蕨聞者悲之時年六十六
葬鳳山竹滬里姬侍從死者五人蓋康熙二十二年癸
亥六月事也有玉帶流傳民間武陵朱幼芝爲賦一元
子玉帶歌云臨濠龍種岐海死以數莖髮爲終始鼎移
社屋逾三紀毅魄猶依故遼邸可憐赤嵌城夜夜荒雞
鳴可憐竹滬溪年年杜鵑啼九十年來同聲哭絕島無
祠薦秋菊蕪香亦賸幾抔土遺帶還餘一束玉帶兮帶

今當年玉人用意琢百鹿那知一旅無成莽馳逐幸也
末路完其璞皓潔竒姿出陳橫君不見七客寮中信國
硯玉帶生歌酬唱徧不惟其物惟其人正氣常留石一

片我今爲帶作此歌歌成信手書擘窠誰歟和歌謝臬

羽勿煩屬筆趙孟頫

范九池五妃墓詩序謂施襄壯克
澎湖王語諸妃曰我死期至矣皆

對曰王生俱生王死俱死遂同縊堂上五妃袁
氏王氏秀姑梅姑荷姐墓在臺灣縣仁和里

熊蔚懷司空贈八大山人詩高士南州邈東湖煙雨寒

伊人千載後秋水一編看把卷吟詩好聞名見面難相

期拾瑤草長嘯碧雲端林巒供放眼城市卽山中予亦

巖棲者將無玩世同絕袪名士態定許酒人通笑彼雲

煙客崎嶇走雪風程柯坪題其菌筍圖云誰能畫菌如
畫芝銅釘茁土僂溼滋誰能畫筍如畫荻凍雷怒蟄錦
棚坼山人泚筆絕藝兼圓堆壞笠犀擢尖伊蒲饌淨谷
神醜擷蔬不受肥羶黏石城回首烽煙動朱邸繁華成
昔夢寄生已分笑靈椿結實何心飼饑鳳一龕枯坐雪
鐙昏薇蕨西山忍共論君不見國香零落鷗波沅芳草
王孫斷客魂

徐元歎居落木庵斷炊絕粒靈巖退翁分鉢中餐以周
之他有所遺不屑也嘗以庵地質錢於靈巖繼公手書
券而華山藥公爲之居閒藥公嘉魚熊魚山開元爲僧

住蘇州之華山名正志號蘓庵者也落木庵券舊藏解
溪海會寺並元歎遺像在焉朱酉生詩云落木歸根定
幾時一庵猶是費支持亭中搆史中州集江上招魂上
峽詩遊客貧來惟賣屋故人難後已披緇可憐家國飄
零者佛火空堂淚暗垂蘓公抗疏重前朝淚血河山歲
月遙鶴羽飛邊禪錫住龍髯攀後劫灰銷巢由結屋眞
多事支許同林定久要今日天池秋草徧一杯殘茗話
僧寮蘓庵天啟乙丑進士初仕吳江令晉吏垣崇禎壬
癸閒直諫拜杖康熙乙卯駐錫吳江距作令時五十年
矣沈永令贈詩有士女爭來瞻瑞相拈花舊是宰河陽

之句其落帽石詩云空山冷落一危冠敢道威儀似漢
官祇爲儒家收不住特留當路與人看亭林有同王元
倬及楚二沙門泛舟之作二沙門謂魚山及髡殘也髡
殘號石谿湘潭人

濟陽陳蒼屏明經王政屢徵不起種藝自給張稷若訪
之值其灌園退而賦詩云擾擾當時士日夜幾能休夫
子何獨爾意靜如懷秋散髮自灌園緬邈對平疇高柳
拂清襟濯漑有寒流我來適見之下風依颼颼開顏獎
弱植酌我餉餘甌慰我屢空懷訓言日夕周吾道有通
塞此外更何求再拜識此意歸理柴車軻卒於順治癸

已稷若爲撰墓表稱其整潔和厚遠物役絕名累善治
經游其門者無敢自軼誠高人之逸軌也同邑金温其
上舍式玉鄧温伯訓導光玉均與稷若善温伯讀蒿庵
閒話贈稷若云十年成一車未可行山谷非不美輪轅
崎嶇慮折軸荆榛絳輪牙崖塹多局促所以阮籍輩每
至窮途哭澤中有雷隨且向此中宿温其小園獨酌憶
張汗漫云開尊對籬圍綠蔭慊幽心花氣微通袂松風
時動琴避人謀自得采菊興仍深忽憶同心侶狂懷滿
古今汗漫稷若別號

嘗見倪文正詩畫冊題者爲潞河門下士張文珽明天

官尚書郎西泠張中發南山逸史陳于鼎實庵吳趨後
學葉襄聖野西陵門下士吳山濤晉江舊史愁齋黃文
煥會稽唐九經豫公鈞史查繼佐伊璜氏皆遺民也胡
介彥遠以所畫茅亭清樾與舊作橫山訪江十一浩詩
神似卽以此詩題其後詩云山曉晴暄似早春孤懷直
上四無鄰踏星入塢已千里負手獨行無一人出澗情
泉驚世俗向山白鳥絕風塵何時下馬投鞭去萬壑千
峰一个身張吏部詩云故林不可望勉向東南飛桑柘
何萎黃使我初願違束身同萋草冉冉忘朝暉陌葵恣
霜露各自競芳菲時節變晷候況復別早微憶我吳門

友咳唾盈珠璣文章不易貧妻子恆苦饑士窮節乃見
耿耿神相依欽子存今是感我昧昨非曾無裘與葛空
爾念緇衣秋風發清飈颯颯動荆扉東海豈不潔慙媿
首山薇亦答吳門友人舊作而似履上者履上蓋文正
之孫中發稱履上爲表弟文正其外祖行也

鄞縣葛同果明崇禎庚辰以第二人及第授編修爲端
敬殿講讀較書官以親喪歸家居三十年范忠貞撫浙
薦不起著昭忠錄紀北都死事南都死事封疆死事吳
青壇七君子詩稱爲躬耕老泉石樂道以長終者也

雪湖楊高士秋字碩甫吳江平望人爲瞿忠宣幕賓忠

宣殉粵西之難高士慟哭軍門四日收遺骸歸葬虞山
康熙辛酉陸清獻遇之于虞山爲序其詩明豫章宗室
乞食來吳居高士家三載學仙指松爲姓故虞山立松
仙祠以高士配虞山拂水巖雙忠祠祀忠宣及張都督
同儔高士亦配食焉林垓村尙書題其遺像後云孤臣
灑血殉蒼梧義士招魂到海虞劫換紅羊忠骨在歌殘
朱鳥淚痕枯三軍動色愁風洞一老歸踪話雪湖奚取
松仙同配食新祠拂水薦生芻意有軒輦然松仙亦何
可多得湯誼卿彭城詠古云更生原是楚藩宗經學當
時子駿功猶有外家封事在如何竟作國師公讀之一